

FIF — Markaziy Osiyo uchun “Biznesdagi Yoshlar” dasturi — DAVR Bank — “Biznesdagi Yoshlar” krediti II

Mamlakat:	O'zbekiston
Loyiha raqami:	56324
Biznes sektori:	Depozitli kredit (banklar)
Bildirgi turi:	XUSUSIY
Ekologik toifasi:	FI
Loyiha tasdiqlanadigan sana:	2025-yil 15-aprel
Holati:	Yakuniy xulosa kutilmoqda
Loyihaning qisqacha mazmuni (PSD) nashr qilingan sana:	2025-yil 17-aprel

Loyiha tavsifi

O'zbekiston Respublikasida yoshlar tomonidan boshqariladigan yoki ularga tegishli mikro, kichik va o'rta korxonalarni (MKOK) qayta moliyalashtirish maqsadida "Davir Bank" ("DB")ga 10 million AQSh dollari ekvivalent miqdordagi yuqori darajali kredit ajratiladi. Kredit har biri 5 million dollardan iborat bo'lib ikki teng qismdan tashkil topadi. Kredit AQSh dollarida yoki sintetik so'mda (UZS) taqdim etiladi.

Loyiha Maqsadlari

Ushbu kredit orqali DB O'zbekistondagi yoshlar tomonidan boshqariladigan yoki ularga tegishli bizneslarni moliyalashtirish orqali, yosh tadbirkorlarning moliyaviy resurslarga kirish imkoniyatlarini kengaytiradi.

O'tish Ta'siri

Mazkur loyiha, Markaziy Osiyo Biznesdagi Yoshlar dasturining tarkibiy qismi sifatida, "Davr Bank"ga ajratiladigan kredit orqali umumiy dastur maqsadlariga hissa qo'shadi hamda inklyuzivlik va raqobatbardoshlik tamoyillarini mustahkamlashga xizmat qiladi. Ushbu mexanizm yoshlar uchun moliyalashtirish imkoniyatlarini kengaytirishi kutilmoqda.

Mijoz Haqida Ma'lumot

"DAVR BANK" XATB

"Davr Bank" — O'zbekistonda mikro, kichik va o'rta korxonalar (MKOK) hamda chakana bank xizmatlari segmentlariga ixtisoslashgan xususiy mulkka asoslangan bank hisoblanadi. 2024-yil oxiriga kelib, "Davr Bank" mamlakatdagi 36 ta bank orasida kredit portfeli hajmi bo'yicha 20-o'rinni egallagan va jami aktivlar bo'yicha 1.2 foizlik bozor ulushiga ega bo'lgan.

YTTB Moliyaviy Ko'magi

Moliyalashtirish miqdori: 10 000 000 AQSh dollari.

Loyiha Umumiy Qiymati

10 000 000 AQSh dollari.

Ekologik va ijtimoiy xulosa

(2024-yilgi Ekologik va Ijtimoiy Siyosatga muvofiq) loyiha FI (yoki Moliyaviy Institut) toifasiga mansub etib tasniflangan. "Davr Bank" YTTBning amaldagi mijozlaridan biri hisoblanadi va mavjud majburiyatlari doirasida YTTBning Ekologik va Ijtimoiy Siyosatiga (EIS) rioya qilib kelmoqda. Moliyalashtirilishi ko'zda tutilgan sub-loyihalarning ekologik va ijtimoiy jihatdan xavf darajasi past bo'lishi kutilmoqda. "Davr Bank" MKOK kreditlari bilan bog'liq havflarni boshqarish uchun atrof-muhit va ijtimoiy boshqaruv tizimini joriy etgan. Bank YTTBning EIS talablariga, jumladan, 2-, 4- va 9-sonli Atrof-muhit va Ijtimoiy Talablarga hamda istisno ro'yxatiga qat'iy rioya etishi lozim. Shuningdek, kichik va o'rta bizneslarni moliyalashtirishda Atrof-muhit va Ijtimoiy Risklarni Boshqarish bo'yicha ko'rsatmalarga rioya qilishi va har yili YTTBga atrof-muhit hamda ijtimoiy faoliyatga oid hisobotlarni taqdim etishi talab etiladi. "Davr Bank" orqali moliyalashtirilgan subkredit oluvchilar milliy atrof-muhitni muhofaza qilish, sog'liqni saqlash, mehnat va xavfsizlik sohasidagi amaldagi qonunchilik talablarga rioya etishlari zarur.

Parij Bitimi bilan Muvofiqlik

Loyiha bilvosita moliyalashtiriladigan investitsiyalar uchun YTTBning Parij Bitimi bilan muvofiqlik yondashuvi asosida Parij Bitimiga muvofiq deb baholangan. Mazkur baholash subkredit oluvchilarning Parij Bitimiga sodiqligi (1-ustun) va subtransaksiyalarni filtrlash (2-ustun) mezonlariga asosan amalga oshirilgan.

Yashil moliyalashtirish doirasida mablag' taqsimoti

Qo'llanilmaydi — ushbu loyiha uchun GET ulushi taklif qilinmagan.

Texnik ko'mak (TK):

Yoshlar tomonidan boshqariladigan mikro, kichik va o'rta biznes subyektlarining (MKOK) salohiyatini oshirish maqsadida YTTBning "Kichik Bizneslar uchun Maslahat" (ASB) dasturi doirasida texnik yordam ko'rsatiladi.

Moliyalashtirish manbasi: YTTB Aksiyadorlari Maxsus Jamg'armasi (SSF).

Mablag' miqdori va valyutasi: Dastur darajasida 6 million AQSh dollari.

Moliyalashtirish holati: Mazkur tranzaksiya doirasida moliyalashtirish tasdiqlangan.

Texnik bo'lmagan ko'mak:

Mijoz foydasiga natijaga asoslangan kompensatsiya ("RBC") shaklida kredit summasining 3 foizigacha (300 000 AQSh dollarigacha) miqdorda mablag' ajratilishi ko'zda tutilgan. Ushbu mablag' mijozning barqaror Biznesdagi Yoshlar (YiB) yo'nalishini kengaytirishga qaratilgan boshlang'ich investitsiyalarini qisman qoplash uchun mo'ljallangan.

Moliyalashtirish manbasi: YTTB Aksiyadorlari Maxsus Jamg'armasi (SSF).

Mablag' miqdori/valyutasi: 300 000 AQSh dollari.

Moliyalashtirish holati: Mazkur tranzaksiya doirasida moliyalashtirish tasdiqlangan.

Qo'shimcha

Afzalliklar

Qo'shimcha qiymat quyidagilar orqali ta'minlanadi:

(1) Innovatsion moliyalashtirish tuzilmasi — loyiha natijalarga asoslangan kompensatsiya (RBC) mexanizmidan foyda ko'radi;

(2) Moliyalashtirish tuzilmasi — Yevropa Tiklanish va Taraqqiyot Banki (YTTB) tomonidan zarur bo'lgan o'rta muddatli moliyalashtirish taqdim etiladi, ehtimol sintetik O'zbekiston so'mida;

(3) Salohiyatni oshirish — moliyalashtirish jarayoni yoshlar tomonidan boshqariladigan mikro, kichik va o'rta korxonalar (MKOK) uchun maslahat ko'magi bilan birgalikda amalga oshiriladi;

(4) Gender SMART tashabbusi — YTTB krediti doirasida ajratiladigan mablag'larning kamida 30 foizi yosh ayollar tomonidan boshqariladigan MKOKlarga yo'naltirilishi kutilmoqda.

Kompaniya

Aloqa

Ma'lumotlari

Umumiy

so'rovlar

uchun:

info@davrbank.uz

www.davrbank.uz

Manzil: A blok, Navoiy – Zarqaynar ko'chasi,

Toshkent shahri, 100021, O'zbekiston Respublikasi.

O'tish davri nima

O'tish davri ta'sirini baholash bo'yicha YTTB yondashuvi haqidagi qo'shimcha ma'lumotni [mana bu havoladan](#) olishingiz mumkin.

Loyihalarda ishtirok etish uchun imkoniyatlar

Loyihada yoki xaridlarda ishtirok etish uchun mijoz kompaniyaga murojaat qiling.

YTTB bilan (xaridlarga oid bo'lmagan masalalarda) hamkorlik qilish uchun quyidagi telefon yoki elektron pochta orqali bog'laning:

Tel: +44 20 7338 7168

E-manzil: projectenquiries@ebrd.com

Davlat sektoridagi loyihalar uchun [YTTB xaridlari](#) sahifasiga o'ting:

Tel: +44 20 7338 6794

E-manzil: procurement@ebrd.com

Umumiy ma'lumotlar

Aniq so'rovlar [YTTB so'rovlar shakli](#)dan foydalangan holda berilishi mumkin.

Ekologik va ijtimoiy siyosat (ESP)

YTTB o'zining "ekologik jihatdan mas'ul va barqaror rivojlantirish" tashabbusini ilgari surishda [Ekologik va ijtimoiy siyosat](#) va uning tarkibiy qismi bo'lgan loyiha talablari (PR) Bank loyihasini amalda qo'llash tartibini belgilab beradi. ESP va PR tegishli milliy qonunchilik doirasida Bank mijozlarining keng jamoatchilikka axborot berishi va maslahatlashishini ta'minlash, shuningdek manfaatdor tomonlarning xavotirlari va shikoyatlarini, ayniqsa, ekologik va ijtimoiy muammolarni ko'rib chiqish va hal qilishga yordam beradigan mexanizmni yaratishdagi aniq talablarni o'z ichiga oladi. Loyihaning ekologik va ijtimoiy risklarni va ta'sirining mohiyati va ko'lamidan kelib chiqqan holda, zarurat tug'ilganda, YTTB o'z mijozlaridan qo'shimcha ravishda loyihalarning risklarni va ta'sirlari haqida ma'lumotni oshkor qilishni, shuningdek, manfaatdor tomonlar bilan batafsil fikr almashish va muammolar yuzasidan choralar ko'rilishini talab qiladi.

Bu sohada YTTBning tajribasi bo'yicha qo'shimcha ma'lumotlar ESPning quyidagi [sahifasida](#) keltirilgan.

Ish faoliyatidagi halollik va belgilangan me'yorlarga rioya qilish

YTTBning muvofiqlik nazorati boshqarmasi (OCCO) Bankda mas'uliyatli boshqaruvga ko'maklashish bilan birga Bank faoliyatining barcha jabhalarida eng yuqori standartlarda ish olib borilishini va barcha jarayonlar ilg'or xalqaro tajribalarga muvofiq bo'lishini ta'minlaydi. Bankning barcha mijozlari uchun ularning ish faoliyatidagi halolligini tekshirishdan maqsad, Bank loyihalari uchun qabul qilinishi mumkin bo'lmagan huquqiy va nufuzga oid risklarga yo'l qo'yilmaslikdan iborat. Bank nuqtai nazariga ko'ra, loyihani dastlabki baholash va tasdiqlash bosqichida muammoli jihatlarni aniqlash va ularni bartaraf qilish Bank faoliyati nufuziga putur yetkazmaslikning eng samarali vositasidir. OCCO ushbu profilaktika chora-tadbirlarida muhim ahamiyatga egaligi bilan

birga investitsiya qilinganidan keyingi davrda Bankning nufuziga xavf soladigan risklarni nazorat qilishga yordam beradi.

OCCO, shuningdek, YTTB tomonidan moliyalashtirilayotgan loyihalar doirasidagi firibgarlik, korrupsiya va lavozimni suiiste'mol qilish bo'yicha ma'lumotni tekshiruvchi mas'ul hisoblanadi. Agar kimningdir Bank ichida yoki undan tashqarida firibgarlik yoki korrupsiya holatlari kuzatilayotganligi haqida gumoni bo'lsa, u muvofiqlik nazorati boshqarmasi boshlig'iga bu holat haqida yozma tarzda compliance@ebrd.com elektron manzili orqali xabar qilishi lozim. Barcha bildirilgan daliliy ma'lumotlar tegishli choralar ko'rish uchun OCCO tomonidan ko'rib chiqiladi. Barcha xabarlar, shu jumladan anonym tarzidagi xabarlar ham tekshirib chiqiladi. Bu turdagi xabarlar istalgan tilda, jumladan Bank faoliyat ko'rsatayotgan mamlakatdagi rasmiy tilda tayyorlanishi mumkin. Bunday ma'lumotlar yaxshi niyatni ko'zlashi maqsadga muvofiqdir.

Axborotdan erkin foydalanish siyosati (AIP)

2020-yilning 1-yanvarida kuchga kirgan IAP YTTBning strategiyalari, siyosatlari va amaliyotlarini yaxshiroq tushunish va bilishga ko'maklashish uchun manfaatdor tomonlarga ma'lumotlarni ochiqlash bilan birga maslahatlashuvlar tartibini belgilab beradi. YTTB veb-saytidan qanday ma'lumotlar olish mumkinligini bilish uchun [Axborotdan foydalanish siyosati](#) sahifasiga o'ting.

Muayyan savollaringizni [YTTBning ma'lumot so'rovi](#) orqali yuborishingiz mumkin.

Loyihalar bilan bog'liq shikoyatlarni ko'rib chiqish mexanizmi (IPAM)

Agar jismoniy yoki yuridik shaxslarning ekologik-ijtimoiy sohadagi yoki axborotni oshkor qilish borasidagi xavotirlarini (masalan, loyiha darajasida mijozlar tomonidan yaratilgan shikoyatlar mexanizmi yoki Bankning amaliyot boshqaruvi bilan bevosita o'zaro aloqa qilish orqali) qanoatlantirishga bo'lgan urinishlari samarasiz bo'lsa, ular YTTBning hisobdorlik mexanizmi ya'ni loyihalar bilan bog'liq shikoyatlarni ko'rib chiqish mexanizmi yordamida (IPAM) o'zlarining o'sha xavotirlarini bildirishlari mumkin.

Loyihalar bilan bog'liq shikoyatlarni ko'rib chiqish mexanizmi (IPAM), arizachilarning fikriga ko'ra, zarar yetkazishga ulgurgan yoki kelajakda zarar yetkazishi mumkin bo'lgan loyihaning muammolarini mustaqil ravishda baholaydi. Ushbu mexanizmning vazifalari quyidagilardan iborat: - ekologik-ijtimoiy va axborotni oshkor etish bo'yicha muammolarni hal qilish uchun loyiha ishtirokchilari o'rtasidagi o'zaro aloqalarni o'rnatish va muloqotlarni olib borish; - Bank tomonidan ishlab chiqilgan [Ekologik va ijtimoiy siyosat](#) talablariga, shuningdek loyihaga oid tegishli [Axborotdan erkin foydalanish siyosati](#) qoidalariga rioya qilinishini baholash; - zarurat tug'ilganda, ushbu mezonlarga rioya qilmaslik holatlarini bartaraf etish, kelgusida Bank tomonidan ularni buzish holatlariga nisbatan ko'riladigan choralarini ko'zda tutish.

IPAM va uning vakolatlari haqida batafsil ma'lumot olish, ko'rib chiqilishi kerak bo'ladigan [shikoyatlarni jo'natish](#) uchun [Loyihalar bilan bog'liq shikoyatlarni ko'rib chiqish mexanizmi veb-saytiga](#) kirishingiz yoki tavsiyalar olish hamda IPAM haqida qo'shimcha ma'lumot olish va shikoyat jo'natish uchun ipam@ebrd.com elektron pochta orqali biz bilan bog'lanishingiz mumkin.